



Synfocity = 832

mail us at : mzsynfo@gmail.com; mizoramsynod@gmail.com - Phone - 2314648

March 17, 2022

❑ **Chanchin Ṭha Thlen Ni**

March 15, 2022 (Thawhlelni) kha Mizorama Chanchin Ṭha thlen Ni champha a ni a. Hemi ni pual hian zan inkhawm programme siam niin thupui inang tlang "*Chanchin Ṭha - Malsawmna thlentu*" tih chu zir a ni.

Chanchin Ṭha Thlen Ni atan hian kum 2014 hma lamah chuan Rev. J.H. Lorrain (Pu Buanga) leh Rev. F.W. Savidge (Sâp Upa) ten Mizoram an lo luh ni, January 11 hman ṭhin a ni a. Kum 2012 Synod Inkhawmpui chuan Rev. William Williams-a'n Mizoram a lo luh ni, March ni 15, 1891 chu Mizorama Chanchin Ṭha lo thlen ni atan a pawm a ni.

Rev. William Williams hi Khasi rama Welsh missionary a ni a, Mizote chanchin a hriatin Mizote zinga Chanchin Ṭha hril a duh hle a, Mizote zingah missionary ni tura a lo kal thei lo chungin Mizoram tlawh hram a tum a, Silchar D.C remruatpuinain Sipaiho ruala lo kalin Mizoram a rawn lut a, a hmasa ber atan Mizote zingah Krista Chanchin Ṭha a rawn puang ta a. Synod 2012-in a rel angin Rev. William Williams-a'n Mizoram a rawn thlen ni (March 15) hi Mizoram Presbyterian Kohhran te chuan Mizorama Chanchin Ṭha lo thlen ni atan kum 2014 aṭangin a hmang ta a ni.

❑ **Synod Mission Board leh ram pawn chet velna**

◆ **Arunachal & Assam Mission Field (East)**

March 9, 2022 (Nilainni) khan ringthar 3 Lal Isua zui turin an inpe a, march ni 13, 2022 (Pathianni) khan ringthar 1 Lal Isua zui turin a inpe bawk.

◆ **Jharkhand Mission Field**

March 11-13, 2022 chhung khan Pastor Bial Inkhawmpui bial tinah tluang takin an hmang. Bial Inkhawmpui chhung hian ringthar 25 Lal Isua zui turin an inpe.

◆ **Odisha Mission Field**

March 13, 2022 (Pathianni) khan ringthar 18 Lal Isua zui turin an inpe.

◆ **Barak Area Mission Field**

March 13, 2022 (Pathianni) khan ringthar 9 Lal Isua zui turin an inpe.

◆ **Siliguri Mission Field**

March 13, 2022 (Pathianni) khan ringthar 20 Lal Isua zui turin an inpe.

◆ **Arunachal & Assam Mission Field (West)**

March 13, 2022 (Pathianni) khan Laimekuri Biala Telijan khuaah Telijan Fellowship Bialtu Pastor-in a hawng a, hemi hunah hian Believers Church aṭangin chhungkaw 5, member 18 chu kan Kohhranah an inpe bawk.

❑ **Synod Revival**

March 4 - 6, 2022 leh March 12 & 13, 2022 chhung khan Operation Nehemia neiin Aizawl leh dai velah Revival Speaker-te group 12-ah inṭhenin mi 2931 hnenah rawngbawlina an nei.

❑ **Presbyterian English School (PES)**

Presbyterian English School (PES) hnuaia school ṭhenkhat chhan hrang hrang avanga harsa zual ṭanpuina atan Rs. 71,50,000/- chu School 35 hnenah sem a ni a, tin, upgrade grant manual ami angin school 1 hnenah upgrade grant Rs. 3,00,000/- pek a ni bawk.

❑ **Campus Ministry**

March 17 & 18, 2022 hian Kolasib-ah Campus Ministry programme-in Director Rev. R. Ramnghinglova, Office Assistant NI. Esther Lalngaihawmi, Resource Person-te T.Upa Lalthlamuana leh T.Upa K. Lalenzama, leh zaithiam NI. Cindy Lalthanpuui te an kal.

❑ **Zin**

March 15, 2022 (Thawhlelni) khan Khawrihnim Kohhran Biak In hmun enfelin Rev. C. Zorammawia, Senior Executive Secretary leh Pu Lalhriatrenga, JE te an kal.

☐ **Synod Social Front**

March 20, 2022 (Pathianni) hian Synod Social Front Campaign-in Bial 3 -ah Social Front Campaigner te hetiang hian an kal ang.

- Muallungthu Bial - Rev. Dr. K. Lallawmzuala, Executive Secretary
 Upa. H. Ngurthansanga
 Upa J. Lalzamlia
- Sateek Bial - Pu Lalremruata
 Upa H. Lalsangzuala
 Upa C. Chawngthantluanga.
- Melriat Bial - Pu R. Lalnunluanga, Coordinator
 Upa C.H Thangkhuma
 Upa S.R Thanghmingliana

☐ **Synod Prison Ministry**

Synod Prison Ministry chuan I.G Prisons hnen aţangin Jail-a rawngbawl phalna an hmuh angin March 15, 2022 (Thawhlejni) aţang khan rawngbawlna an ţan a, a hnuai mi ang hian rawngbawlna hun an hmang ţhin ang.

1. Inkhawm:

1. Central Jail, Aizawl : Thla tin *Pathianni vawi khatna*
 2. District Jail, Aizawl : Thla tin *Pathianni vawi hnihna*
 3. District Jail dang zawngah : Thla tin *Pathianni vawi khatna* leh *vawi thumna*

2. Counselling:

1. Central Jail, Aizawl : Chawlhkar tin - *Ningani leh Zirtawpni*
 2. District Jail, Aizawl : Chawlhkar tin - *Thawhlejni leh Nilaini*

3. Kristian Ni pawimawh : Kristian Ni pawimawh leh Kohhran hunpui - *Good Friday, Easter Sunday, Krismas leh kum thar lawmna hman/neihpui*

☐ **Synod Relief Fund**

Tun hnaia harsatna hrang hrang nei te hnenah Synod Relief Fund aţangin hetiang hian chhawmdawlna pek a ni.

S.No	Khua	Pek chhan	Chhungkaw zat	Pek zat
1.	Thentlang	Damlo	1	Rs. 8,000/-
2.	Dinthar	Accident	1	Rs. 10,000/-
3.	Ramhlun Sport Complex	Damlo	2	Rs. 16,000/-
4.	Ainawn	Ei zawwna bul ţannan	13	Rs. 1,04,000/-
			TOTAL	Rs. 1,38,000/-

☐ **Hruaina Eng FM Radio :**

MARCH 18, 2022 (Zirtawpni) (FM Zoawi - Aizawl & Lunglei @ 7:30 p.m.):

- Solo* : Nancy Zothanmawii - Rorelna dik
Zaipawl : Chawnpui Pastor Bial Zaipawl - Lalpa a ţa si
Thusawi : Upa Dp Biakkhuma - Chanchin Ţha hril tihmakmawh
Solo : Malsawmdawngzuali - Van a lallukhum
Zaipawl : Darlawng Bial Zaipawl - Thlarau Thianghlim

☐ **Susamachar Prasaran Programme :**

MARCH 20, 2022 (Pathianni) 5:00 pm. :

- Group/Choir/Solo* : Synod Mission Choir - Mukti Dilaye Yeshu Naam & Rabki (Medley)
Group/Choir/Solo : Champhai Bethel Pastor Bial - Jab Jab Dekho
Testimony : Nl. Mishra, Assam Mission Field
Group/Choir/Solo : P.C Lianhmingthanga - Ye Dharti
Group/Choir/Solo : Chawnpui Kohhran - Thandi Howe

☐ **Moderator leh Executive Secretary-te Programme:**

Rev. Dr. Vanlalnghaka Ralte : Moderator

March 20, 2022 (Zan) Chanmari West Kohhran tlawh

Rev. C. Zoramawia : Senior Executive Secretary

March 19 - 22, 2022

Manipur Area tlawh

March 25, 2022

Synod Auditor te nen inkawmkhawm

Rev. V.L. Luaia Hranleh : Executive Secretary

March 21, 2022

SMTC Programme

March 22, 2022

Child Evangelism Media Cell committee leh

Central Kohhran Hmeichhe committee

Rev. Dr. K. Lallawmzuala : Executive Secretary

March 20, 2022

Social Front Campaign, Muallungthu Bial

March 21, 2022

Prison Ministry committee

March 22, 2022

Worship Cell committee

March 24, 2022

Central KTP programme

March 26, 2022

Campus Ministry programme, Durtlang Leitan Kohhran

SYNOD MUSIC SCHOOL ADMISSION CHUNGCHANG

A hnuai tarlan ang hian Synod Music School Mission Veng leh Bawngkawn-ah **Tonic Solfa & Staff Notation Intermediate Course** zing **6:30 - 7:30** chhunga zir duhte tan dil theih a ni a. Dil duhte chuan a hnuai tarlante hi hriat nise :-

1. Worship Department, Synod Office atangin dilna form la chhuakin **March 30, 2022 (4:00 pm)** ral hma ngeiin Synod Office-ah thehluh tur a ni.
2. Zirna In hawn a nih hunah class tan tur a ni ang.
3. Dilna-ah mahni awmna Kohhran lehkhah thil tel tur a ni.
4. Hriat tur tul dang chu dilna Form-ah tarlan a ni.
Dilna form leh hriat tur tul dang hi Synod Website, www.mizoramsynod.org a duhte tan download mai theih a ni e.

REV. Dr. K. LALLAWMZUALA
Executive Secretary
i/c Worship

D.Th. ZIR TUR ZAWNNA

Mizoram Synod Theological Education Board chuan a hnuai Department tarlanah te hian kum 2023-2024 Session atanga D.Th. zir tur dilna a hawng a.

Synod mi rawih laite zinga dil duhte chuan **April 8, 2022 (Zirtawpni)** aia tlai lovah a hnuai hming ziak hnenah dilna theh luh tur a ni. Diltute chuan Theological Education Marksheet leh Medical Certificate thil tel tur a ni ang.

1. New Testament
2. Christian Theology

3. Missiology
4. Religion

REV. Dr. TLANGHMINGTHANGA
Secretary
Synod Theological Education Board